



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ  
Ո Ր Ո Շ Ո Ւ Մ Ը

---

ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՑԱԼ

Քաղ. Երևան

25 նոյեմբերի 2016թ.

Հայաստանի Հանրապետության սահմանադրական դատարանի  
թիվ 1 դատական կազմը՝

Նախագահությամբ՝ Ա. Պետրոսյանի  
Անդամակցությամբ՝ Ֆ.Թոխյանի  
Ա. Թունյանի

Ուսումնասիրելով Մուշեղ Ղարիբյանի անհատական դիմումի ընդունելիության  
հարցը,

**Պ Ա Ր Ձ Ե Ց .**

Համաձայն ՀՀ Սահմանադրության 101-րդ հոդվածի 1-ին մասի 6-րդ կետի՝ Մուշեղ Ղարիբյանը դիմել է ՀՀ սահմանադրական դատարան (դիմումը ՀՀ սահմանադրական դատարան է մուտքագրվել 2016 թվականի նոյեմբերի 8-ին)՝ խնդրելով.

«Դ.Ա.Հ.Կ մասին Հ.Հ. օրենքի 45-րդ հոդվածի, Հ.Հ. ամուսնության և ընտանիքի օրենսգրքի 20-րդ հոդվածը Հ.Հ. քաղաքացիական դատավարության օրենսգրքի 204.32-րդ 2-րդ կետը, Հ.Հ. քաղաքացիական դատավարության օրենսգրքով 233.2-րդ հոդվածի 1-ին կետը ճանաչել Հ.Հ. Սահմանադրության (2015թ. փոփոխություններով), 60-րդ հոդվածի 1-ին մասի, 61-րդ հոդվածի 1-ին մասի, 63-րդ հոդվածի 1-ին մասի, 78-րդ հոդվածի, 79-րդ հոդվածի

և 81-րդ հոդվածի 1-ին մասին հակասող և անվավեր, իսկ Հ.Հ. քաղաքացիական դատավարության օրենսգրքի 204.32-րդ հոդվածի 1-ին կետի՝ կիրառված այլ մեկնաբանությամբ»:

Դիմողը գտնում է, որ «Դատական ակտերի հարկադիր կատարման մասին» ՀՀ օրենքի 45-րդ հոդվածի իրավական նորմերն իրենց բնույթով հակասության մեջ են գտնվում բուն օրենքի իմաստի հետ՝ հանգեցնելով ՀՀ Սահմանադրության 60-րդ հոդվածի 1-ին մասի, 61-րդ հոդվածի 1-ին մասի և 63-րդ հոդվածի 1-ին մասի երաշխիքների խախտումներին:

Դիմողը նշում է, որ ՀՀ քաղաքացիական օրենսգրքի 201-րդ հոդվածի 4-րդ մասի պահանջները հակադրվում են ՀՀ ամուսնության և ընտանիքի օրենսգրքի 20-րդ հոդվածի դրույթի հետ՝ առաջացնելով իրավակիրառ պրակտիկայում խառնաշփոթ, անորոշություն, որը հակասում է ՀՀ Սահմանադրության 61-րդ հոդվածի 1-ին մասի և 63-րդ հոդվածի 1-ին մասի երաշխիքներին:

Դիմողը գտնում է, որ ՀՀ քաղաքացիական դատավարության օրենսգրքի 204.32-րդ հոդվածի 2-րդ կետը չի համապատասխանում ՀՀ Սահմանադրության 61-րդ և 63-րդ հոդվածների պահանջներին: Ըստ դիմողի՝ Տ...ինչպես ցույց է տալիս իրավական պրակտիկան, ոչ միայն դատարանի իրավական ակտով կարող է հաստատել հանցավոր արարքը, որը հանգեցրել է սխալ դատական ակտի կայացնելուն, այլ նաև այլ իրավասու մարմինների իրավական ակտով, որը հակասում է ՀՀ Սահմանադրության 79-րդ հոդվածի պահանջներին:

Ըստ դիմողի՝ ՀՀ քաղաքացիական դատավարության օրենսգրքի 233.2-րդ հոդվածի 1-ին մասն անհամաչափ նվազեցնում է վճարելի բողոքի քննության հնարավորությունը դատարանում, ինչն էլ հակասում է ՀՀ Սահմանադրության 61-րդ հոդվածի 1-ին մասի և 79-րդ հոդվածի երաշխիքներին:

Ղեկավարվելով ՏՍահմանադրական դատարանի մասին՝ ՀՀ օրենքով և էլնելով խնդրո առարկա անհատական դիմումի և կից փաստաթղթերի նախնական ուսումնասիրության արդյունքներից՝ գտնում ենք, որ դիմումի հիման վրա գործի քննության ընդունումը ՀՀ սահմանադրական դատարանի կողմից ենթակա է մերժման՝ հետևյալ պատճառաբանությամբ.

- Խնդրո առարկա անհատական դիմումն ակնհայտ անհիմն է: ՏՍահմանադրական դատարանի մասին՝ ՀՀ օրենքի 27 և 28-րդ հոդվածներով նախատեսված են իրավասու սուբյեկտների կողմից Սահմանադրական դատարան հասցեագրված դիմումներին ներկայացվող ընդհանուր պահանջները, դիմումին կցվող նյութերի շրջանակը, իսկ անհատական դիմումի ընդունելիության հավելյալ պարտադիր պայման է նույն օրենքի 69-րդ հոդվածի 4-րդ մասի պահանջը, համաձայն որի՝ դիմումը պետք է պարունակի նաև Սահմանադրությանը հակասելու հիմնավորումներ: Ավելին, ՀՀ սահմանադրական դատարանը 24.11.2009թ. ՄԴՈ-839 որոշման մեջ արտահայտել է իրավական դիրքորոշում, ըստ որի՝ ՏՍահմանադրական դատարանի մասին՝ ՀՀ օրենքի 69-րդ հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի հիշյալ օրենքի 68-րդ հոդվածի 7-րդ մասում նշված որևէ հատկանիշով: Անհատական դիմումին ներկայացված այս պահանջը նշանակում է, որ դիմողը պետք է փորձի բավարար կերպով իրավաբանորեն հիմնավորել, թե իր սահմանադրական որ իրավունքներն են խախտվել և ինչ անմիջական պատճառահետևանքային կապ է առկա վիճարկվող դրույթի և իր իրավունքների խախտման փաստի միջև: Խնդրո առարկա դիմումի ուսումնասիրությունը վկայում է, որ առկա չեն ՏՍահմանադրական դատարանի մասին՝ ՀՀ օրենքի 68-րդ հոդվածի 7-րդ մասի պահանջներին համահունչ իրավաբանորեն ձևակերպված հիմնավորումներ, ինչպես նաև դիմողը չի հիմնավորել իր սահմանադրական իրավունքների ենթադրյալ խախտման փաստի և վիճարկվող դրույթների հակասահմանադրականության միջև պատճառահետևանքային կապի առկայությունը:

Ելնելով վերոգրյալից և ղեկավարվելով ՏՍահմանադրական դատարանի մասին՝ ՀՀ օրենքի 32-րդ հոդվածի 6-րդ կետով, ինչպես նաև 69-րդ հոդվածի 7-րդ մասով՝ ՀՀ սահմանադրական դատարանի թիվ 1 դատական կազմը

**Ո Ր Ո Շ Ե Ց .**

Մուշեղ Ղարիբյանի անհատական դիմումով գործի քննության ընդունումը մերժել:

**Նախագահող՝**

**Անդամներ՝**

25 նոյեմբերի 2016 թվականի  
ՍԴԴԿՈ/1-33